

تاریخ دباچ : 11 مچ 2016

# خطبة جمعة

تاجوق:

"مَعِمَارَهُكُنْ مَسْجِدَ تَشْكُوْغِجْوَابِ بَرَسَام"

\*\*\*

تربیتن:

اونیت خطبة، بهاکین فثوروسن مسجد

جابتن اکام اسلام سلاخور



## سناراي اهلي جاوتنکواس خطبة نکري سلاڱور 2016

- 1- صاحب السعادة داتوء حاج حاريس بن قاسم  
فغارہ جائس (فغروسي)
- 2- توان حاج احمد ذاکي بن ارشد  
تيمبلن فغارہ جائس (تيمبلن فغروسي)
- 3- صاحب السماحة دوکٲور حاج انهار بن حاج اوثير  
تيمبلن مفتي، جابتن مفتي نکري سلاڱور (اهلي)
- 4- توان حاج ادريس بن رملبي  
کٲوا فٲولوغ فغارہ بهاکين فغوروسن مسجد جائس (ستياوسها)
- 5- يڄ برهاکيا فروفيسور مديا دوکٲور حاج عثمان بن صبرن  
اونيورسيتي سلاڱور (اهلي)
- 6- توان حاج سيانيد بن حاج مقيم (اهلي)
- 7- توان حاج حميد بن مت عيسى  
فٲنشرح، کوليج اونيورسيتي اسلام اتارا بڄسا سلاڱور (اهلي)
- 8- توان حاج مد سهاربي بن عبدالله (اهلي)
- 9- توان حاج عبدالحاليم حافظ بن صالحين (اهلي)
- 10- استاذ محمد فرحان بن ويجاي  
امام بسر مسجد سلطان صلاح الدين عبد العزيز شاح (اهلي)
- 11- استاذ ايندرا شهريل بن محمد شهيد  
مجلس اکام اسلام سلاڱور (اهلي)
- 12- استاذ خير العزمي بن خيرالدين  
فٲولوغ فغارہ اونيت خطبة بهاکين فغوروسن مسجد، جائس (اوروستيا)



## "مَعِمَارَهُكُن مَسْجِد تَعْكُوْجَبَوَاب بَرَسَام"

اَلْحَمْدُ لِلّٰهِ الْقَائِلِ: اِنَّمَا يَعْمُرُ مَسْجِدَ اَللّٰهِ مَنْ ءَامَنَ  
بِاَللّٰهِ وَالاَيَّوْمِ الْاٰخِرِ وَاَقَامَ الصَّلٰوةَ وَاَتَى الزَّكٰوةَ وَاَلَمَّ  
تَحْشَ اِلَّا اَللّٰهَ فَعَسَىٰ اَوْلٰىكَ اَنْ يَكُوْنُوْا مِنْ

اَلْمُهْتَدِيْنَ ﴿١٨﴾

اَشْهَدُ اَنْ لَا اِلٰهَ اِلَّا اَللّٰهُ وَحْدَهُ لَا شَرِيْكَ لَهُ، وَاَشْهَدُ  
اَنْ مُحَمَّدًا عَبْدُهُ وَرَسُوْلُهُ. اَللّٰهُمَّ صَلِّ وَسَلِّمْ عَلٰى  
سَيِّدِنَا مُحَمَّدٍ وَعَلٰى اٰلِهِ وَاَصْحَابِهِ اَجْمَعِيْنَ. اَمَّا  
بَعْدُ، فَيَا أَيُّهَا الْمُسْلِمُونَ! اتَّقُوا اللّٰهَ، اُوْصِيْكُمْ وَاِيَّايَ  
بِتَقْوٰى اللّٰهِ فَقَدْ فَازَ الْمُتَّقُونَ. قَالَ اللّٰهُ تَعَالٰى: يٰٓاَيُّهَا  
الَّذِيْنَ ءَامَنُوْا اتَّقُوا اللّٰهَ حَقَّ تُقَاتِهِ وَلَا تَمُوْتُنَّ اِلَّا وَاَنْتُمْ  
مُسْلِمُونَ.



سید غ جمعة یغ درحمتي الله سکالین،

سای برقسن قد دیری سای دان سکالین یغ  
حاضر ماریلہ سام ۲ کیت برتقوی کقد الله دغن  
منیغتکن دان منمبه علمو عمل دان ایمان. هان  
دغن بکلن ایت ممقو اونتوق کیت منطاعتی  
سغنوهن قرینته یغ داتغ درقد الله سبحانه وتعالی.  
موده-مودهن کیت سموا دکولوغکن سباکای اورغ  
یغ برتقوا دسیسین.

تاجوق خطبه قد هاری این "مغعمارهنکن  
مسجد تغکوغجواب برسام".

حاضرین جمعة سکالین،

مغعمارهنکن مسجد بر مقصود مملیهارا  
کمودهن اسس دان کبرسیهنش سوقایا سنتیاس  
دکونجوغی اولیه مائسی اونتوق منجالنکن  
اکتیویتی ۲ باکی مندکتکن دیری کقد الله.



الله سبحانه وتعالى يغ ممرينتهكن رسولن  
سوقاي ممينا مسجد دان مبريكن فتونجوق باكايمان  
مغعمار هكنش سقرتي اية 36 سورة النور؛

فِي بُيُوتٍ أُذِنَ لِلَّهِ أَنْ تَرْفَعَ وَيُذَكِّرَ فِيهَا أَسْمُهُ وَيُسَبِّحُ  
لَهُ فِيهَا بِاللُّغُودِ وَالْأَصَالِ ﴿٣٦﴾

"(نور هداية فتونجوق الله ايت برسینر دغن پاتان  
تراوتام سکالی) درومه ۲ عبادة يغ دقرينتهکن اوليه  
الله سوقايا دمولىاکن كأداءنش دان دسبوت سرتا  
دقریغت نام الله قدان؛ دسیتو جوک دکر جاکن  
عبادة منسوچي دان موجي الله قد وقتو قاکي دان  
قتغ".

سیدغ جمعة يغ درحمتي الله،

مسجد دجاديکن سباکاي جالن فتونجوق هداية  
دان ملالوئيش هوبوغن دغن الله توهن فنچيقتا سرتا



هوبوغن سسام مخلوق داقت دلا کوکن. حقیقتن  
مسجد دجادیکن سباکای تمثت برکمبغش شعار  
إسلام دالم سسبواه قریة، تمثت ممبنا کقواتن  
علمو، ایمان دان أخلاق، منجادی قوست فرقادوان  
یغ کوکوه سسام اومه دان منجادی نادی کقد  
قمباغونن اُمَّة. مسجد جوک مروفاکن کاوسن  
زون امان دان سلامت.

دالم سجاره ککمیلغن اسلام، مسجد اداله  
تمثت برمولا لثکه قمباغونن دان ککمیلغن  
تمدون اسلام. بتاف مسجد تله برجای ملاهیرکن  
اومت یغ برکوالیتی دان ممقو مارا ماجو کهادقن  
مندهولوءی اومت یغ لاءین.

مسجد جوک مروفاکن ساتو تمثت دمان الله  
سبحانه وتعالی ممبری جامینن کقد ماءنسی اونتوق  
منداقت قرلیندوغن الله قد هاری یغ تیاد  
قرلیندوغن، یاءیت للاکی یغ هاتین سنتیاس



تریکت اونتوق حاضیر کمسجد باکی منجانکن  
اکتیویتی صلاة، براعتکاف، برذیکیر، منتدبر  
القرءان، مندغر مجلس علمو دان میرتائی اکتیویتی<sup>۲</sup>  
یغ لائین.

سیدغ جمعة یغ درحمی الله سکالین،

اونتوق منچاقای متلامت مغمارهنکن مسجد  
دغن سمفورنا، فغوروسن اینستیتوسی مسجد قرلو  
دقرکمس دان دقرکاساکن آکر سنتیاس معمور  
برلندسکن حکوم شرع دان اوندغ<sup>۲</sup>. باکی  
ملقساناکن مقصود دان کهندق اولیه اینکمن  
فتدبیرن اکام اسلام (نکری سلاغور) 2003،  
مجلس اکام اسلام سلاغور تله دبری کواسا  
سباکای قمکغ امانه توغکل کأتس مسجد<sup>۲</sup> دان  
سوراو. قد کتیک این ترداقت 412 بواه،  
مسجد، 216 بواه سوراو یغ دبریکن کبیرن  
مندیریکن صلاة جمعة سرتا لیه 2 ریو بواه سوراو



يغ بردفتر. مجلس اڪام اسلام سلاڻور تله سلساي  
ملانتيق ڦڪاواي دان اهلي جاوتنڪواس مسجد  
اونتوق سيسي جانواري 2016 هيٺڪ ديسيمبر 2018.  
سراماي 827 اورغ امام، 827 اورغ بلال، 827  
اورغ سياق دان 5762 اورغ اهلي جاوتنڪواس،  
مريڪ دڦرتڻڪوڻجوابڪن ميڪول اونتوق مڦوروس  
ڦععمارهن مسجد، انتاراڻ:

1. مڦوروس دان ملقسانا ڦرجالنن عبادة فرض  
عين دان فرض كفاية اهلي قريه اڪر مريڪ مهمي  
دان مڦحياتي اجرن اسلام يغ شمول.

2. مڦوروس ڪواغن مسجد دان هرتا وقف  
دغن تلوس دان ترڪاول مڦيڪوت ڦراتورن ڪواغن  
يغ دسدياڪن.





3. مغوروس کبرسيهن دان کچرياءن مسجد  
سسوای دغن قرانن سباکاي قوست عبادة دان  
قوست اکتیویتي مشارکت.

4. مغوروس دان ممتوهي سکالا ارهن یغ  
دکلوارکن اولیه قیهق یغ برکنتیغن دغن مسجد  
سقرتي مایس دان جاءیس.

5. مغوروس دان مپوسون قروکرم ۲ مجلس  
علمو دان ممستیکن ستیاف فنچرامه یغ دجمقوت  
ممقوپایي تولیاه یغ صح اونتوق مغلککن درقد  
قیبارن اجرن سست.

سیدغ جمعة یغ درحمتي الله،

ماری کیت رنوڻ سجنق تنتغ قري قنتیغن  
مسجد دتدبیر اوروس سوقایا ایان معمور دان  
مناریق اونتوق دکونجوغي. کراجاءن نکري  
ستیاف تاهون مبلنجاکن راتوسن جوتا ریغکیت



سامادا اونتوق ممبينا، مباء يقى كروسقن، منيڭكتكن  
كمودهن مسجد دان سوراو. دميكين جوڭ  
لمباڭ زكاة سلاڱور ترليت ممبنتو منيڭكتكن  
كقرلوان دان كمودهن مليتكن قولوهن جوتا  
ريڭكيت. كوتيقن مسجد قولاد يڭ منچچه  
قولوهن ريو ريڭكيت ستاهون. اين تيدق  
ترماسوق سومبغن خاص اوليه اينديفيدو ۲ ترنتو  
كقد مسجد دان سوراو.

مغيكوت لاقورن اءوديت دالم، مجلس اڭام  
إسلام سلاڱور، ماسيه اد مسجد ۲ يڭ كاڭل  
مپدياكن قپات كواغن قد تاهون 2014 سقرتي يڭ  
دأرهكن. انتارا قونچاڭ اياله تيدق مريكودكن  
قنداقتن دان قربلنچاءن كواغن مسجد دغن  
سمفورنا، تيدق مماسوقكن قنداقتن كاكاءون (akaun)  
بڭك (bank) سبلوم دبلنچاكن، قپات كيرا ۲ كواغن  
مسجد تيدق دسدياكن دان دقريقسا دغن



سمفورنا، فيهق فغوروسن مسجد تيدق مغيكوت  
كفوتوسن مشوارت، دان قلباڳاي بنتوق كساهن  
يغ تله دكسن. سامادا سچارا سدر اتاو تيدق  
مريك يغ دبري امانه تله كاڳل منونا يڪن. نامون  
ڪيت مغوچقڪن تهنيه كڦد فڪاواي ۲ مسجد يغ  
برجاي منجالنڪن توڪس مريك دغن بايق دان  
برڪسن، موده-مودهن منداقت ڪنجرن يغ بسر  
درقد الله سبحانه وتعالى.

سيدغ جمعة يغ درحمتي الله،

مسجد تله براوسها مڱاداڪن فڱاجين دان واغ  
قربلنجان يغ بايق تله دڪلوارڪن. تتاڻي دماناڪه  
سمبوتن مشارڪت؟ موده-مودهن قربلنجان يغ  
دلاڪوڪن دغن مڱڪوناڪن ڪواغن مسجد درقد  
سومبغن اورغ راماي منچاڳاي حسرة فڱعمارهن  
سڦرتي يغ دڪهندقي.



سید غ جمعة یغ درحمتی اللہ سبحانہ و تعالیٰ،

سدرله بهوا فغوروسن معمورکن مسجد اداله  
تغکو غجواب برسام. کڦد مریک یغ دلانتیق ایان  
بوکن سواتو کبغکائن دان کمکهن. سدرله ای  
اداله سواتو امانه بسر یغ بوکن سهاج  
دقرتغکو غجوابکن ددنیا بهکن اکن دقرسوءالکن  
دأخیره کلک. بائي اهلي قريه قولاً بريله کرجاسام  
معمورکن مسجد دان سنتیاس ڦیکا دغن اف۲  
جوا یغ برلاکو دمسجد. جاغن بیارکن  
اینستیتوسی مسجد دجادیکن تمقت قربالهن  
کڦرتین (kepartian)، سیبارن فتنه، تمقت مغادو  
دومبا، دان صفة۲ کجي یغ بولیه مروسق ایمج  
إسلام دان ممبری کسن کڦد کمعمورن مسجد.  
فغوروسن مسجد هندقله ممتوهی سکالا ارهن،  
کاریس ڦندوان سرتا ڦکلییغ یغ دکلوارکن اولیه  
ماءیس دان جاءیس دری سماس کسماس آکر



مسجد داقت دتدبير اوروس دغن باءيق دان  
سمقورنا.

حاضرین جمعة سکالین،

مغاخیری خطبه قد هاری این ماريله کیت  
سام ۲ مغمبیل ببراڻ قعاچرن سقرتی بریکوت:

1. اسلام میرو سوڦایا اومتش منجادیکن  
اینستیتوسی مسجد سباکای تمقت اونتوق  
منیغکتکن علمو ایمان دان عمل باکی ڦیوچین  
جسمانی دان روحانی.

2. اسلام مواجبکن اگر مسجد دتدبير اوروس  
دغن باءيق دان سفقورنا کران ای اداله لامبغ شعار  
اچرن اسلام یغ شمول.

3. اسلام منونتوت اگر مسجد دتدبير اوروس  
سچارا برسام کران ای اداله اینستیتوسی میلیق



اومۃ یغ اقا بیلا معمور سسبواه مسجد مک اکن  
معمور جوک سواسان مشارکت دسکللیغش.

4. اومت اسلام هندقله منجادیکن مسجد  
سباکای تمقت تربینا فرقادوان دان کاسیه سایغ  
کأره قمبیینان مشارکت دان نکارا یغ منداقت  
کبرکتن الله سبحانه وتعالی.

أَعُوذُ بِاللَّهِ مِنَ الشَّيْطَانِ الرَّجِيمِ

وَلَوْ أَنَّ أَهْلَ الْقُرَىٰ ءَامَنُوا وَاتَّقَوْا لَفَتَحْنَا عَلَيْهِم  
بَرَكَاتٍ مِّنَ السَّمَاءِ وَالْأَرْضِ وَلَٰكِن كَذَّبُوا فَأَخَذْنَاهُم بِمَا  
كَانُوا يَكْسِبُونَ ﴿٩٦﴾

"دان (توهن برفرمان لاکي)؛ سکیراٹ قندودوق  
نکری ایت، برایمان سرتا برتقوی، تنتوله کامی  
اکن مبوبک کقد مریک (فینتو قغورنیان) یغ  
ملیمقه-لیمقه برکتش، دری لاغیت دان بومی. تتافی



مريک مندوستاکن (رسول کامي)، لالو کامي  
تيمقاکن مريک دغن عذاب سيقسا دسبيکن اف  
يغ مريک تله اوسهاکن.

(سورة الأعراف: 96).

بَارِكْ اللَّهُ لِيْ وَلَكُمْ بِالْقُرْآنِ الْعَظِيمِ، وَنَفَعَنِيْ  
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ  
وَتَقَبَّلْ مِنِّيْ وَمِنْكُمْ تِلَاوَتَهُ، إِنَّهُ هُوَ السَّمِيعُ  
الْعَلِيمُ.

أَقُولُ قَوْلِيْ هَذَا وَأَسْتَغْفِرُ اللَّهَ الْعَظِيمَ لِيْ  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ  
إِنَّهُ هُوَ الْغَفُورُ الرَّحِيمُ



## خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ  
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ  
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ  
وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا  
بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ الْمُتَّقُونَ.

سیدغ جمعة یغ درحمتی اللہ سبحانہ و تعالیٰ،

منبر جمعة سکالی لاکھی برقسن بهاوا اسلام  
مغاچر کیت سوفا یا برسکیف سدرهان دالم  
سکالا عمالن. کیت امتله دتونتوت آکر  
منمقیلکن کمولیا عن أخلاق، سیکف دان  
کقربادین تیغکی کران رسول اللہ ﷺ داوتوس  
اونتوق میمقورناکن أخلاق دان سباکای رحمة





باکي سلوروه اومت دان سکالين عالم. قد ماس  
يغ سام کيت جوک دسارن سوقايا منجاءوهي  
سبارغ بنتوق فهمن سست دان قربواتن  
ايکستريم يغ کسنش اکن منججسکن  
کهرمونين، فرقادوان دان کسلامتن اومه دان  
نکارا

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ  
ءَامَنُوا صَلُّوا عَلَيْهِ وَسَلِّمُوا تَسْلِيمًا.  
اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ  
عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.  
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ سَمِيعٌ  
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.  
اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،



وَنَسْأَلُكَ بِأَسْمَائِكَ الْحُسْنَىٰ وَصِفَاتِكَ الْعُظْمَىٰ أَنْ  
تَحْفَظَ بَعَيْنَ عِنَايَتِكَ الرَّبَّانِيَّةِ وَبِحِفْظِ وَقَايَتِكَ  
الصَّمَدَانِيَّةِ، جَلَالَهٖ مَلِكِنَا الْمُعَظَّمِ سُلْطَانِ سَلَاعُورِ،  
سُلْطَانِ شَرَفِ الدِّينِ اِدْرِيسِ شَاهِ الْحَاجِّ ابْنِ  
الْمَرْحُومِ سُلْطَانِ صَلَاحِ الدِّينِ عَبْدِ الْعَزِيزِ شَاهِ  
الْحَاجِّ. اَللّٰهُمَّ اَدِمِ الْعَوْنَ وَالْهَدَايَةَ وَالتَّوْفِيقَ،  
وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ سَلَاعُورِ،  
تَعَكُّوْ اَمِيْر شَاهِ ابْنِ السُّلْطَانِ شَرَفِ الدِّينِ اِدْرِيسِ  
شَاهِ الْحَاجِّ فِيْ اَمْنٍ وَصَلَاحٍ وَعَافِيَةٍ بِمَنِّكَ  
وَكَرَمِكَ يَا ذَا الْجَلَالِ وَالْاِكْرَامِ. اَللّٰهُمَّ اَطْلُ  
عُمْرَهُمَا مُصْلِحِيْنَ لِلْمُوْظَفِيْنَ وَالرَّعِيَّةِ وَالْبِلَادِ،  
وَبَلِّغْ مَقاصِدَهُمَا لِطَرِيْقِ الْهُدٰى وَالرَّشَادِ.



يا الله، اڱڪاوله توهن يڱ مها برڪواس، ڪامي  
برشڪور ڪحضرتو يڱ تله مڱورنياڪن ڪامي  
رحمة دان نعمة، سهيڱڪ ڪامي داقت منروسڪن  
اوسها ڪاره مڱرڪوڪوهڪن نڪارا اومت اسلام  
خصوصن نڪري سلاغور، سباڪاي نڪري يڱ  
ماجو، سجهترا دان برڪباچيڪن دباوه ناءوڱن دان  
قيمڱين راج ڪامي سباڪاي ڪتوا اڪام اسلام  
دنڪري اين.

جوسترو ڪامي ڦوهون ڪحضرتو يا الله،  
تتڪنله ايمان ڪامي، تريماله عمل ڪامي،  
ڪوڪوهڪنله ڦرڦادوان ڪامي، لواسڪنله رزقي  
ڪامي، ڪاياڪن ڪامي دڱن علمو يڱ برمنفعة،  
سوبورڪنله جيوا ڪامي دڱن بودي ڦڪرتي يڱ  
موليا، ڪمباليڪنله ڪامي ڪجالن يڱ اڱڪاو  
ريضاءي، ليندوڱيله ڪامي درڦد بالا بنچان دان



اوجینمو یغ برت سوڦایا دغن دمیکن، نکری  
کامی اکن سنتیاس برتمبه معمور دان برکة.  
یا الله، کامی قوهون کحضرتمو. منتقنله  
قکاغن کامی منوروت اجرن اهل السنة والجماعة  
دان قلیهاراله کامی درقد عقیده دان عملن یغ  
مپلیویغ دان سست سفرتی فهامن شیعة، قدیانی  
سرتا لاءین ۲ فهمن.

یا الله، بوکاکنله هاتی کامی اونتوق  
مندیریکن صلاة فرض لیم وقتو، منونایکن زکاة  
دان کفردوان یغ لاءین سرتا موقفکن دان  
معینفقن هرتا ملالوئی قربادنن وقف نکری  
سلاڱور (PWS) دان تابوغ امانه قмбаغونن اسلام  
سلاڱور (TAPIS). سموک دغن عملن این یا الله،  
برکتیله هیدوف دان لواسکنله رزقی کامی دغن  
کانجرن قهالا یغ برککن هیغک کهاری أخیره



رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً  
وَفِي الآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي  
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ  
يَعْظُمُ لِعَلَّكُمْ تَذَكَّرُونَ ﴿٩﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ  
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.

زاكي/نورول\*\*

01.03.2016